



Aningaasanut Naalackersuisoq

Aningaasaqarnermut Ataatsimiititaliap suliaq nr. 01.31.06/09-00421 pillugu ataasinngornermi ulloq 20. juli 2009-mi aalajangiineranik Naalackersuisunut ilisimatitsineq

Piffissami juli – 31. December 2009-mut Arctic Green Food A/S-imut sullissinissamik isumaqatigiissut pillugu

Naalackersuisut inassutigaaat,

- sullissinissamat isumaqatigiissut kr. 7.500.000-nik aningaasartalik ilanngullugu nassiunneqartoq taamatut isikkoqarluni akuersissutigineqassasoq,
- tunisassiorfinni isumaqatigiissummut ilaatinneqartuni pikkorissartitsinermik ilinniartitsinermillu ingerlatanut 575.000,- kr.-it tikillugit atorineqarsinnaasut, aningaasat taakku kontomit pingaarnermit 20.11.72-imit, Illoqarfiit nunaqarfiillu ilaanni immikkorluinnaq ittumik suliniutinut tunngasumit, pissarsiarineqassapput,
- kr. 4.139.775-it kontomit pingaarnermit 50.01.18-imit, Tunisassiorfinnik ingerlatsinissamik isumaqatigiissutinut tunngasumit, pissarsiarineqassasut, aamma
- aningaasat sinneri, tassalu kr. 1.680.112,50,-it ulloq 1. september aammalu kr. 1.680.112,50,-it ulloq 1. november 2009-mi kontomit pingaarnermit 20.11.72-imit, Illoqarfiit nunaqarfiillu ilaanni immikkorluinnaq ittumik suliniutinut tunngasumit, tunniunneqassapput.

Aningaasaqarnermut Ataatsimiititaliap oqaaseqaatai

Nunaqarfinni nunaqarfinnulluunniit aamma illoqarfinnut qanittuni tunisisinnaanikkut inuussutissarsiorsinnaanermut annermik periarfissaqarfiusuni suliffissaqartitsineq, ilinniartitsineq ilinniartitseqqiinerlu siuarsarniarlugit 20 mio. kr.-inik sillimmatissanik pilersitsinissaq pillugu Naalackersuisut qinnuteqaat Aningaasaqarnermut Ataatsimiititaliamit ulloq 28. juni 2009-mi akuersissutigineqarpoq. (Suliaq 09-417)

Tamanna tunngavigalugu sullissinissaq pillugu Arctic Green Food A/S-imik isumaqatigiissuteqarnissaq siunertaralugu sillimmatinit aningaasanik atugassiissutigineqarnissaq Naalackersuisut qinnutigaaat. Attumi, Ikamiuni, Narsarmijini, Qaanaami, Savissivimmi, Ittoqortoormiini, Qassimiuni, Kangerlussuarmi Napasumilu suliffissaqartitsinerup ingerlatiinnarneqarnissaa sullissinermik isumaqatigiissuteqarnermi siunertaavoq.

Nunatta Karsianit tapiissutinik najugaqarfiit taaneqartut pinngitsuuisinnaanginnerannik annikillisisiniarnissaq Naalackersuisut pimoorullugu tunaartalimmik sulissutigisariaqaraat

Aningaasaqarnermut Ataatsimiititaliaq tunngaviusumik isigalugu isumaqarpoq. Najukkani innuttaasut nunattaluunniit aningaasaqarniarnera eqqarsaatigalugit tunisassiornerit imminut akilersinnaanngitsut Nunatta Karsiata aningaasaatai atorlugit ingerlatiinnarniarneqarnerat ungasinnerusooq isigalugu naapertuuttuunanilu attanneqarsinnaanngilaq.

Sullissinissamik isumaqatigiissut matumani pineqartoq 31. december 2009-mi atorunnaassaaq. Sullissinissaq pillugu 2010-mut atuuttussamik Arctic Green Food aamma isumaqatigiissuteqarfigineqassanersoq 2010-mut aningaasanut inatsit akuersissutigineqartinnagu Naalakkersuisunit paasineqareersimassasoq Aningaasaqarnermut Ataatsimiititaliamit tunngavissaatinneqarpoq. Taamaassappat sullissinissamik isumaqatigiissut taamaattoq kingusinnerpaamik 2009-mi novemberip aallartinnerani naammassereersimasariaqarpoq, taamaaliornikkut Inatsisartut 2010-mi aningaasanut inatsisissatut siunnersuummut tullerriaarinerminni siunertamut aningaasanik immikkoortitsisinnaaqullugit, taamaaliornikkullu sullissinissamik isumaqatigiissutaajunnartumik nutaamik suliarinninnissamut immaqalu akuersissutiginninnissamut Aningaasaqarnermut Ataatsimiititaliaq piffissaqarsinnaaqullugu. 2010-mut atuuttussamik sullissinissamut nutaamik isumaqatigiissuteqarnissaq siunnersuutigineqassappat suliffissaqartitsinissap qulakkeerneqarnissaa tamatumani kiserluinnarmi anguniagaasariaqarpoq. Toqqaannangikkaluamik tapiissutit paasiuminaatsut aqutigalugit pisortat ingerlatseqatigiiffiini ingerlatseqatigiiffinniluunniit pisortanit tamakkiisuunngikkaluamik pigineqartuni aningaasaqarnerup napatinneqarnissaa Nunatta Karsiata suliassarinnngilaa.

Nunaqarfinni aaqqissugaaneq pillugu anguniakkanik, sulisartut nunaqarfinni inuussutissarsiutinut imminut akilersinnaanngitsunit inuussutissarsiutinut allanut nuunneqarnerannik kinguneqartussatut naatsorsuutigineqartumik suliaqartoqassasoq Naalakkersuisut siusinnerusukkut oqaatigaat. Taamatut anguniagaqarnerup ilaatut sullissinissamik isumaqatigiissutip matumani pineqartup ingerlatiinnarnissaanut aningaasanik 2010 aallarnerfigalugu immikkoortitseqqinnissaq Naalakkersuisunit naatsorsuutigineqanngippat, tamanna nunaqarfinni siuliani taaneqartuni innuttaasunut sapinngisamik piaarnerpaamik ammasumik unneqqarissumillu nalunaarutigineqartariaqarpoq.

Ingerlatseqatigiiffiup naatsorsuutinut tunngasumik iliuusai assut isornartoqartillugit Artic Green Foodip kukkunersiuisuata ukiumoortumik naatsorsuutini kingullerni oqaatigigaa Aningaasaqarnermut Ataatsimiititaliamit maluginiarneqarpoq. Nunatta karsiata AGF-imut akiliutai isumaqatigiissummi anguniakkanut naapertuuttumik atorneqarnerannik qulakkeerinissaq siunertaralugu isumaqatigiissummi § 3 naapertorlugu ingerlatseqatigiiffimmit nalunaarutit ingerlaavartut Naalakkersuisunit misissoqqissaarneqassasut Aningaasaqarnermut Ataatsimiititaliamit naatsorsuutigineqarpoq. Naatsorsuutigisat akimorlugit Naalakkersuisunut Aningaasaqarnermullu Ataatsimiititaliamut nalunaaruteqartussaannerminik AGF eqquutsitsinngippat isumaqatigiissummi § 5, imm. 3 akiliutinik uninngatitsinissamik tunngavissisooq atorneqassaaq.

Sullissinissamik isumaqatigiissutip Namminersornerullutik Oqartussanit kommuninut nuussinissamut tunngavissamik sullissinissamik isumaqatigiissummut ilanngussinissap Aningaasaqarnermut Ataatsimiititaliaasimasumit kissaatiginartinneqarsimanerata naapertuuttuunera pillugu oqaaseqaatinik inunnut ataasiakkaanut tunngassuteqarsorinartunik Naalakkersuisut isummernissaanut tunngavissiami allassimasooqarpoq. Taamatut kissaateqarnermut tunuarsimaarnerup isummernissamut tunngavissiami allassimasup qaaginnaasiortutut taaneqarsinnaanerata saniatigut taamatut inunnut ataasiakkaanut tunngassuteqartunik nipilinnik siunissami oqaaseqaateqartoqartarnissaa kissaatigineqanngimmat Aningaasaqarnermut Ataatsimiititaliamit oqaatigineqassaaq.

Tamanna allaffeqarfimminut Naalakkersuisunut ilaasortap erseqqissaatigissagaa ataatsimiititaliamit naatsorsuutigineqarpoq.

Ingerlatseqatigiiffiup illuutitut tunngasumik iliuusai pillugit nassuiaateqartoqarnissaa Arctic Green Food pillugu suliami 09-413-imi 31. maj 2009-mi aalajangiinermini taamani Aningaasaqarnermut Ataatsimiititaliaasup qinnutigimmagu Aningaasaqarnermut Ataatsimiititaliamit eqqaasitsissutigineqassaaq. Nassuiaat taanna suli tiguneqanngilaq. Ullumimit sapaatip akunneri pingasut qaangiutsinnagit nassuiaatip taassuma tiguneqareersimanissaa ataatsimiititaliamit naatsorsuutigineqarpoq.

Aningaasaqarnermut Ataatsimiititaliap aalajangiinera

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Aningaasaqarnermut Ataatsimiititaliap sinnerlugu

Akitsinnguaq Olsen
Aningaasaqarnermut Ataatsimiititaliap siulittaasua